

F. IOANNIS DE CAILLEMER
S. THEOLOGIAE DOCTORIS
Ecclesię Diui Io. in Insula Corbulensi Prioris

necnon Eminentiss. ac Reuerendiss. D.

MAGNI MAGISTRI
A S E C R E T I S.

O R A T I O

AD S.^{MVM} D. N.

INNOCENTIVM X.
PONT. OPT. MAX.

Dum Ill.^{mus} S. Ordinis Hierosolymitani Marefcallus, ac Legatus expresse missus, Em.^{mi} M. Magistri, Totiusque S. Religionis nomine, summos eidem Pontifici gratularetur delatos honores, debitumque obsequium, ac obedientiam redderet.

Habita in Consistorio pridie Nonas Martias An. D. 1645.



ROMAE, Ex Typographia Reu. Cam. Apostolicę. 1645.

SUPERIORVM PERMISSV.

JOHANNES DE CALLEMER
THEOLOGICAL DOCTOR

Rector of the University of Leuven

in the Faculty of Theology

MAGNI MAGISTRI

REGENT

ORATIO

AND

INNOCENTIVM X

PONT. OPT. MAX.

For the University of Leuven

in the Faculty of Theology

in the year of our Lord 1614

in the month of May

in the day of the Ascension

in the year of our Lord 1614



Printed by the University of Leuven

in the year of our Lord 1614



ORATIO

DVM Totus ad Te per suos
Legatos Christianus aff-
luit Orbis; dumque ge-
stientis Ecclesiæ, sacris libi
met ipsi pro felicissima
Euectione tua iure opti-
mè merito gratulantis, læ-
titiae vocibus vndecunq; personat aër, si nulli
mortalium licitum sit silere, at maximè no-
bis. (Pater Sanctissime) loqui conuenit, &
exultare; qui longis fatigati tribulationum,
procellis, cùm Te factum audiuius totius
mundi arbitrum ac Moderatorem, futuræ
tranquillitatis veluti Sydus exoriens proni ac
iubilantes suspeximus. Omnimoda siquidem
fuimus perfusi lætitia; communi videlicet &

priuata; quando delato nobis ad vltimos vsq;
 catholici orbis fines auspiciatissimo Exaltatio-
 nis tuæ nuntio, Patrem cum cæteris fidelibus
 ipsam Clementia mitiorem, specialeq; Nos
 humillimi Beatitudinis Tuæ clientuli Reli-
 gionis nostræ Tutelare Numen accepisse re-
 sciuius. Quanto etenim Sacer Ordo tuus
 Hyerosolimitanus erga Romanam Sedem pie-
 tatē ac obseruantia cæteros omnes semper
 studuit superare; tantò etiam illius, ab augu-
 stissimo hoc Eminentissimorum Cardinalium
 Senatu declarato Te Pontifice, maius quam
 cogitatione percipi, aut verbis efferri possit,
 gaudium fuit. Hoc vnum quippe restabat
 afflictis, ac penè prostratis Religionis nostræ
 rebus singulare remedium, habere illum in-
 patrem, cuius amor & protectio, ara & ciui-
 tas refugij semper fuit omnibus tutissima; illi-
 que potissimum summam rerum humanarum
 concreditam esse, qui per omne anteaactæ vi-
 tæ tempus talem se præstitit, vt tanquam per-
 fectum, ac omnibus numeris absolutum pri-
 mæuæ illius innocentia, & integritatis exem-
 plar omnium prædicatione commendaretur.

S

Singula referre quid iuuat? Sole clariora lo-
quor; itaut iam libeat exclamare, *RV 21. III. 3 T*
O fortunatos nimium, sua si bona norint, RV
Christicolas! *RV 21. III. 3 T*

quin potius asseueranter cum Apostolo lubet ad Hebr
11.
affirmare, Talis decebat vt esset nobis Ponti-
fex, Sanctus, Innocens.

Verūmenimvero si iuxta penitioris philo-
sophiæ secreta; nomina sunt velut omina,
monitaue, aut vota rei futuræ; quantam pu-
tas debuit animis nostris fiduciam ingerere,
præclarum istud INNOCENTII nomen,
quo ad omnium consolationem, induente te
virtute ex alto, faustè ac feliciter inaugurari
voluisti? Nomen, inquam optatissimum;
cuius suauitate aliquatenus temperaretur Sa-
cro sancta isthæc tua amplissimi secundum
Deum Imperij Maiestas, quæ vix terrarum
limitibus continetur; vt esses à filiis in vna
venerandus, in altera diligendus, in vtrâque
prædicandus. Quis enim ille sit, cui non ob-
versetur, & arrideat Plinianum illud; Maie-
statē pari iucunditate condire, summęque gra-
uitati tantum comitatis adiungere, non mi-

nus difficile quam magnum esse; proindeque
 Te nullis vnquam laudibus sufficienter effe-
 rendum proclamet; qui rara apud mortales
 mixtura vtramque reuera colere, ac nomine
 præferre volueris; simulque in mentes no-
 stras ac tempora reuocare priscos illos optime
 Sanctissimæque recordationis Innocentios;
 Secundum dico & tertium, quorum primus
 Ordinem nostrum approbavit, alter confir-
 mauit; beneficijs vterque ac priuilegijs am-
 plissimis decorauit: quibus Te, Beatissime
 Pater, minimè inparem, imò longè superio-
 rem fore confidimus. Hincque fiet, vt Reli-
 giosa nostra Militia (Christi potius dixerim,
 & Tua Pater Sanctissime) velut altera Phœ-
 nix, quam nonnisi post quadringentos annos
 ex fœcundis cineribus iterum iuuenescere
 naturæ Mystæ prodiderunt, ante quingentos
 annos ab Innocentijs approbata, & confirma-
 ta, Te nunc reparatore INNOCENTIO
 Senium exuens, in eam ædificij molem digni-
 tatique splendorem excrescat; vt de eâ dici
 possit, Magna est gloria Domus istius nouissi-
 mæ plus quam primæ: Quam enim ad ho-
 minum

minum commodum, peregrinorum leuamen,
ac infirmorum receptaculum: tutamenque à
Paganorum incurfibus mirabiliter illi tui Sā-
ctissimi prædeceffores condidere, mirabilius
erit à Te penitus quasi collapsam, ac in moe-
rore propter tantas quibus concussa est cala-
mitates iacentem erigi, erectamque summa
qua polles authoritate pristino decori restitui
omni sanctitate, fortitudine ac gloria in æter-
num florituram.

Ecce iam nouos afflante tui Numinis ac
Nominis auspicio rediuiua spiritus induit,
colligit animos, nouos concipit ignes, no-
uamque in sese animam ebullire sentit, nec ab
immani sæuiffimi hostis Barbarie quicquam
terrata (quamuis horrenda Christianorum à
Christianis dissidia maximè tumidos Tyran-
no illi faciant animos) passis in parta nuper
victoria dispendijs facta ferocior, paratam se
magis semper ac magis esse testatur, ad præ-
liandum prælia Domini sui; ad alligandos in
compedibus eos qui sacrum imperium tuum
detrectant; & disperdendos de Ciuitate Do-
mini omnes operantes iniquitatem, qui diui-

tias tuas cœlestes tollere gestiunt, Sancta tuæ
polluere, & hæreditate possidere Sanctua-
rium istud, quod Tibi à Deo commissum est.
Summa hæc semper erit gloria Hyerosolimi-
tanis Equitibus tuis. Ita profectò est, Pater
Sanctissime, ad nutum tuæ prudentissimæ
voluntatis constanter exeret sacra nostra Mi-
litia gladium suum, ad destruendam super-
bam illam altitudinem iniquitatis, extollen-
tem se aduersus scientiam Dei, & Te Chri-
stum eius: vt lætari possit iustissimus Inno-
centius, cum viderit vindictam de hostibus
suis.

Suscipe, Beatissime Pater, ignita hæc vota,
quæ profert coram Te deuotissima tua Cliens
Religio Hyerosolimitana per clarissimum
hunc suum Marefcallum Fratrem Carolum
de Falsion Sainte Iey; quem natalium splen-
dore, sed magè laboribus pro Deo, pro Re-
ligione susceptis illustrem, ac omnibus penè
Ordinis nostri muneribus egregiè defunctum
ad oscula pedum tuorum mittit; vt ibi prouo-
lutus, nomine optimi, ac inter omnes quot-
quot eum præcessere verè pijsimi Principis

Fra-

PC 140.

1. ad Cor
10.

PC 157.

Fratris Ioannis Pauli Lascaris dignissimi nostri Magni Magistri, cæterorumque omnium fortissimorum IESV CHRISTI Militum, (quos totidem flores ex nobilissimo Ecclesiæ campo delectos liceat nominare,) Te Patrem ac Dominum animorum effusione, quam maxima veneretur; Te verum IESV CHRISTI Vicarium, Petrique meritissimum Successorem non dubitanter agnoscat; eam, quam debemus, quamque reuera nunc præstat, & vouet æternam, Tibi ac Sanctæ Sedi Apostolicæ obedientiam iuret ac deferat; sese tandem, omniaque sua Tibi veluti primario ac legitimo Domino tradat & consecret.

Foue igitur, Beatissime ac Anianissime Pater, pro eâ quæ in Te est infinita benignitate; Nobilissimum hunc missum, deuotissimosque mittentes, tanquam filios supremæ Dignitatis tuæ Zelantissimos, summæ auctoritatis tuæ quam maximè addictos, cupidissimosque sanctis tuis præceptis ac monitis fidelissimè obtemperandi. Iucundius illis nihil unquam poterit euenire, quam si eorum erga Te studium ac obsequium præcipua

qua-

quidam charitate completi, singularique
paternæ voluntatis affectu dignè accipe-
re.

At, quidni planè confiderent in dilectif-
simorum filiorum tuorum admitti númerum
fortes athletæ Christi? strenui, ac solliciti
fidei Christianæ propugnatores? per quos
Deus (absit inuidia dicto, sanctissimi etenim
INNOCENTII verbis vtor) Orientalem
Ecclesiam, Terram illam quæ IESV nascen-
tis excepit vagitus, concionantem audiuit,
mirandis operibus certissima Diuinitatis suæ
signa dantem obstupuit, tandem sublatum
in Crucem, ac proprio Sanguine maculas
nostras abluentem spectauit, à Paganorum
spurcitia liberare, & Christiani Nominis ho-
stes iam à quinque retrò sæculis voluit expu-
gnare: vt vnde olim in fortitudine manus
suæ tenebrarum principes exturbarat; inde
& ipsorum satellites filios diffidentiae, cum
Diuo Bernardo loquor, in manu fortium
suorum dissipatos exterminaret; faciens etiam
tunc redemptionem plebis suæ, rursusque
erigens cornu salutis in domo Dauid pueri
fui

fui. Hi sunt Beatissime Pater, supra funda-
 mentum Apostolicæ Sedis superædificatæ vir-^{a1E,hes}
 tutis Columnæ, quos terrores Turcarum, fir-
 mamenta, & propugnacula Christianorum
 vniuersa sentit, & pridem demiratur Euro-
 pa. Hi sunt, quos elegit Deus, & collegit à
 finibus terræ fideles ministros, qui veri lectu-
 lum Salomonis, sacram scilicet Ecclesiam,
 vigilanter custodiant, omnes tenentes gla-^{Caat. 3.}
 dios, & ad bella doctissimi; semperque non
 ad suas modo fortunas, sed ad sanguinem
 quoque & vitam pro Sanctissimæ huius Se-
 dis dignitate libenter profundendam prom-
 ptissimi. Hi sunt denique, qui Tibi, Pater
 Sanctissime, maiori ardentiorique præ cæte-
 ris affectu fausta omnia, ac prospera bene
 precantur; & quo facilius magna illa, quæ à
 Te expectantur, perficere possis, continuis
 precibus à summo rerum omnium Modera-
 tore Deo enixè postulant, vt communi Ec-
 clesiæ, Christianæque Reipublicæ commo-
 do non minùs diù Pater ac Pontifex noster
 viuas, quam Te longo Pontificatu dignum
 vixisse, omnes qui verè, & incorruptè iudi-
 cant,

cant, confiteantur: Audi vota, (o ter Optime
 Maximè Deus,) quæ supplices Hyerosolimi-
 tani promunt funduntque, & pro suavi ge-
 stientis, ac gratulabundi animi impetu lubenter
 in hoc augustissimo Patrum Confessu per me-
 testata esse voluerunt:

Dixi.

LAUS DEO.



RESPONSIO

Illustrissimi, ac Reuerendissimi Domini

GASPARIS DE SIMEONIBVS

Sanctiss. D. N. Secretarij.

Rocurrat sanè alacris in Romanæ
Ecclesiæ complexus Hierosolymi-
tana Religio, & suis quæsitam
meritis, sumat Apostolicæ respon-
sionem caritatis, quam in ipsa
Christianæ Fidei propugnatione promereri
diù potuit armata, vt inermis de expugnata
impietate Vaticanæ arcis sanctitas triumphar-
et. Hanc enimuero, quam ad Sanctissimū
Domini Nostri pedes, Hierosolymitani Ma-
gni Magistri, atque Ordinis nomine, Gene-
rose Orator, ponis, ac firmas fidei, atque
obedientiæ sponsonem, Sanctitas Sua, ab se,
ac Venerabilibus suis Fratribus S.R.E. Cardi-
nalibus peramanter exceptam, ea muneratur
accerfitæ è Cælo faustitatis apprecatione, ex-
positaque in vestram dignitatem, atque opem
bene-

beneuolentia; vt exin & gloriosam sibi, & Christianæ Reipublicę salutarem operam fortissima Religio confidentior audeat polliceri. Pergat iam nunc illa; Cæli præsidio, ac Pontificijs votis innitens; & grata armorum, animorumque consensione; in Orientem prouehat sacras vires, excisuras infensam Hydram, bonorum spolijs, ac cædibus saginatum. Illa, illa vos compellat, repetita piorum votis Regio, parens, atque altrix vestræ virtutis, ac nominis: illa Diuinis olim impressa, vestigijs tellus, illa Dei sanguine resperfa; illa Diuinitatem etiamum spirans, vestras dexteras vindices opperitur. Sic, per vos non vltra captiuæ, suæ sese vobis pretium libertatis addicent Idumææ palmæ: sic, excusso nefario iugo, demittent se vestris armis iuga Libani, cuius gloria Hierosolymitanę Militiæ iam pridem data est; eique recentem, inter auitas; ac priscas Lauros, attexet Cedrus coronam immortalitatis.

In hanc sententiam respondere me iussit Sanctissimus Dominus Noster.